

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška sredstava Ministarstva za obrazovanje, nauku, kulturu i sport u razdjelu 22 – Ministarstvo za obrazovanje, nauku, kulturu i sport, pozicija “Tekući transferi neprofitnim organizacijama” - „Tekući transfer za sport“ - izvor 10 Budžeta Zeničko-dobojskog kantona za 2026.godinu, broj: 02-11-2815/26, od 13.02.2026. godine, i broj: 02-11-10076/26 od 18.05.2026. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 131. sjednici, održanoj 05.06.2026. godine, d o n o s i

O D L U K U

o odobravanju sredstava Košarkaškom savezu Bosne i Hercegovine u svrhu sufinansiranja odlaska reprezentativnih omladinskih i seniorskih košarkaških selekcija Bosne i Hercegovine (uzrasnih kategorija U16, U18 i U20) na evropska prvenstva u 2026. godini.

Član 1.

(Predmet)

Odobravaju se sredstva Košarkaškom savezu Bosne i Hercegovine u ukupnom iznosu od 100.000,00 KM (slovima: stotinhiljada konvertibilnih maraka) u svrhu sufinansiranja odlaska reprezentativnih omladinskih i seniorskih košarkaških selekcija Bosne i Hercegovine (uzrasnih kategorija U16, U18 i U20) na evropska prvenstva u 2026. godini.

Član 2.

(Isplata sredstava)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), razdjel 22, budžetska organizacija 01, potrošačka jedinica 0001 - Ministarstvo za obrazovanje, nauku, kulturu i sport, ekonomski kod 614300, subanalitika MAX 002, pozicija “Transfer za sport” - izvor 10.

Član 3.

(Ugovor o prenosu sredstava)

Ovlašćuje se Ministar Ministarstva za obrazovanje, nauku, kulturu i sport da potpiše Ugovor o prenosu sredstava sa predsjednikom Košarkaškog saveza Bosne i Hercegovine, sa ciljem realizacije odobrenih sredstava iz člana 1. ove odluke.

Član 4.

(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 5.

(Izveštavanje)

Korisnik sredstava je dužan Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, u roku od 90 dana a najkasnije do 31.12.2026. godine, dostaviti izvještaj o namjenskom utrošku odobrenih sredstava.

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-11404/26

Datum, 05.06.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.